

E amata mai le aso 30 o luni, ua aveesea e le Setete o Uasigitone le tele o tapulaa mo le KOVITI-19. Ua atoa le fitusefulu pasene o tagata e sefuluono tausaga ma le matua ua mauaina o latou tui puipui muamua – ona o nei tulaga, ua ausia aiaiga sa faatulagaina e lana Susuga le Kovana Jay Inslee mo le toe foi i galuega ma le tele o gaoiga masani.

E le gata i lea, ae ua ova mai le 70 pasene o tagata e sefuluono tausaga ma le matua e nonofo i le King County ua *atoa o latou tui puipui*, ua mauaina ai le tulaga o le puipuiga mo tagata lautele mai lea faamai.

E lei oti atoa le KOVITI-19, ma o loo faaauau pea le sosolo o ona ituaiga eseese e faigofie atu ona latou pepesi. E taua tele le faaeteete pea ina ia puipuia tagata e lei mauaina le tui puipui poo latou e le mafai ona mauaina le tui.

O loo tumau pea le naunautaiga o le King County i le ausiaina o le [mauaina lea o le tui puipui e 70% o tagata uma](#) (o lenei upega tafailagi e nao le gagana Igilisi e maua ai). E lei maea le matou galuega. Matou te galulue pea ina ia maua e vaega eseese le tui puipui e ala i auala eseese e pei o le fa’aaogaina o falemai feaveai, le lagolagoina o le faiga o tui puipui i ofisa ma falefaigaluega, ma le galulue faatasi ma tagata o le nuu.

O a tapulaa e siitia i le Aso 30 o luni?

Ua siitia aiaiga mo le faatapulaaina o numera o tagata e mafai ona ulufale i pisinisi ma isi nofoaga lautele e pei o faleaiga, faleoloa, faletifaga, ma falemataaga. Ma ua siitia foi aiaiga e faamaosia ai lou tu mamao mai isi tagata. Ae peitai, e mafai ona fa’aaogaina pea nei tapulaiga a manao ai le pisinisi.

E manaomia pea ona faaoga le talifofoga ao ou iai i nofoaga lautele?

E aoga pea le iai o se talifofoga pea e alu ese mai lou fale.

- E tusa ai ma [taiala o le setete](#) (o lenei upega tafailagi e nao le gagana Igilisi e maua iai) o loo faamalosi pea le fa’aaogaina o talifofoga mo tagata e lei maua le tui puipui poo latou ua nao se vaega o le tui ua maua ai pea latou ulufale i totonu o fale o loo iai tagata lautele.
- O latou ua atoatoa o latou tui puipui e mafai ona filifili pe faaoga se talifofoga i le tele o nofoaga lautele.
- E mafai ona talosagaina pe faamalosi foi e pisinisi le fa’aaogaina o talifofoga mo tagata faatau faapea tagata faigaluega.
- E *faamalosi* le fa’aaogaina o talifofoga i falemai ma isi nofoaga faapitoa tau soifua maloloina, i falepuipui, i nofoaga mo tagata e leai ni o latou aiga ma fale nofomau, i le aoga ma nofoaga mo le vaaiga o fanau iti, faapea foi pea latou fa’aaogaina auala fealuai mo tagata lautele. O nofoaga e gafa ma le tausaiaina o tagata mo se taimi umi o loo faaauau pea o latou gaoiga i lalo o [taiala](#) (o lenei upega tafailagi e nao le gagana Igilisi e maua iai) e ese mai i taiala nei.

E mafai ona matou faamalosia pea le fa’aaogaina o talifofoga mo tagata e omai i le matou pisinisi poo matou ofisa?

loe, soo se pisinisi poo se ofisa lava e mafai ona faamalosia le fa’aaogaina o talifofoga ae peitai e tataua ona fai ni fetuunaiga talafeagai mo latou e iai manaoga faapitoa, ua maea ona faamatala uma nei tulaga i le [Faatonuga mai le Setete tau Soifua Maloloina mo Talifofoga](#) (o lenei upega tafailagi e nao le gagana Igilisi e maua iai). O talifofoga e puipuia ai tamaiti, tagata o loo maua i gasegase tumau ma latou e lei mauaina le tui puipui. E aoga foi e toe faaopoopo atu le isi puipuiga mo latou ua atoatoa o latou tui puipui.

O a ni isi laasaga e mafai ona ou fa’aaogaina ina ia puipuia tagata uma i lou pisinisi poo lou ofisa?

Mo le puipuiga o tagata faigaluega, tagata faatau ma latou e asiasi mai, e taua tele le fa’aaogaina o tulaga nei, e iu lava ua le toe faamalosia nei tulaga e le malo. O loo iai pea le KOVITI-19 ma e pepesi i ala ea.

- O tagata faigaluega ma tagata faatau e lei maua o latou tui puipui e moomia pea ona faaoga le talifofoga.
- Taumafai e tausisi i se siosiomaga e talileleia le fa’aaogaina o talifofoga (a faapea e leo faamalosia le fa’aaogaina).
- Faaleleia auala mo le faamamaina ma le mauaina o le ea lelei i totonu o lou ofisa (e maua taiala i le [Faaleleia o le Ea i Totonu o Fale](#) (o lenei upega tafailagi e nao le gagana Igilisi e maua ai)).
- [Faamalosi au atu i tagata faigaluega e fai o latou tui puipui](#) (o lenei upega tafailagi e nao le gagana Igilisi e maua ai) ma fai pea suesuega mo le faamaoniaga o le mauaina poo le leai o le faamai pea manaomia. Mafaufau e faatu se nofoaga e mafai ona maua ai tui puipui i lou fale faigaluega mo lou afaigaluega.
- A fai ni tuufaatasiga taumafai e fai pea i fafo mai o fale.

E pei ona faamautuina, o le fufulu mama o lima o se auala lelei lea e puipui mai le sosolo o faamai pepesi.

E mafai ona ou faatagaina tagata e leai ni o latou talifofoga e ulufale mai i lou pisinisi poo lou ofisa?

E tusa ai ma faamatalaga mai le Department of Health (Matagaluega o Soifua Maloloina), e mafai ona filifili e pisinisi ma ofisa tulaga mo le faaogaina o talifofoga i o latou falefaigaluega. E mafai ona latou:

- manatu o tagata e lei faia ni talifofoga ua atoatoa o latou tui puipui
- talosagaina tagata e leai ni o latou talifofoga mo se faamaoniaga o latou tui puipui, ae peitai e le faamalosia lenei tulaga
- talosagaina tagata uma e fai pea o latou talifofoga e tusa poo lea le tulaga o latou tui puipui

E tatau ona faaaoga e pisinisi ma faalapotopotoga e iai nofoaga mo lautele i totonu o latou falefaigaluega ni saina e faailoa ai poo lea o latou faatonuga mo le fa'aaogaina o talifofoga ma e faamanatu atu i tagata e lei maua o latou tui puipui e fai pea o latou talifofoga.

E mafai ona ou faamalosi le faali mai o se faamaoniaga o le tui puipui e tagata faatau ma le afaigaluega?

Ioe, ae peitai e tatau ona fai ni fetuunaiga talafeagai mo latou e iai o latou manaoga faapitoa poo latou e le mafai ona mauaina le tui puipui. A faapea ua faatagaina e lou pule le faigaluega e aunoa ma se talifofoga mo latou ua atoatoa o latou tui puipui, e manaomia ona faali mai se faamaoniaga o le tui puipui, ua faataatia mai nei tulaga i le [taiala mai le Uasigitone Department of Labor & Industries \(Matagaluega o Galuega ma Pisinisi\)](#) (o lenei upega tafailagi e nao le gagana Igilisi e maua ai).

O pepa faamaoni e mafai ona talia e aofia ai le:

- Pepa tui puipui mai le Centers for Disease Control and Prevention (CDC, Ofisa Tutotonu mo le Vaaiga o le Pepesi o Faama'i ma le Puipuia mai Faama'i)
- se ata o lea pepa
- se faamaoniaga mai le fomai masani
- se faamatalaga ua sainia e le tagata faigaluega poo le tagata faatau

E iai lo'u faleaiga. E iai ni tapulaiga faapitoa mo lo'u pisinisi?

Leai. O tapulaa mo faleaiga e tutusa lava ma aiaiga mo isi pisinisi ma fale faatau.

E iai ni tapulaiga faapitoa mo faalapotopotoga faalelotu?

Leai. O tapulaa mo faalapotopotoga a le lotu e tutusa lava ma aiaiga mo isi pisinisi ma fale faatau. Asiasi ane le [upega tafailagi mo Faalapotopotoga Faalelotu](#) (o lenei upega tafailagi e nao le gagana Igilisi e maua ai) mo nisi faamatalaga o le toe tatalaina o faalapotopotoga.

E iai ni tapulaiga faapitoa mo tuufaatasiga tetele e pei o koneseti ma taaloga?

O tuufaatasiga e ova mai le 10,000 tagata ua tapulaaina e nao le 75 pasene o le nofoaga e mafai ona faaaoga. A faapea e moomia se faamaoniaga ua atoatoa tui puipui a tagata e ulufale atu e leai se tapulaa mo le tumutumu o le nofoaga. E le moomia le tu mamao o tagata mai i isi tagata, ma e tatau ona usitaia pea faatonuga mo talifofoga o loo fa'aaogaina i lena taimi.

Aea fale tifaga, fale mataaga, ma isi tuufaatasiga? E iai ni tapulaa mo nei tuufaatasiga?

Ua siitia tapulaa e faatatau i le tumutumu ma le tu mamao o le isi mai le isi mo tagata auai, ae peitai e moomia pea talifofoga mo latou e lei mauaina o latou tui puipui.

E mafai ona faaoga e pisinisi, faalapopotoga ma nofoaga tetele ni nofoaga faapitoa mo tagata ua maua o latou tui puipui ma latou e leai?

O faalapopotoga uma ua faatagaina le vaevaeina o latou falefaigaluega e fai nofoaga faapitoa mo tagata ua fai o latou tui puipui ma latou e leai. A faaoga nei nofoaga faapitoa mo tuufaatasiga e ova mai le 10,000 tagata e fai i totonu o fale tetele, e tatau pea ona usitaia le tulaga e nao le 75% o lenei fale e mafai ona faaoga. (Mo se faataitaiga, e le mafai ona faaoga nao le 75% o nofoa faapitoa mo tagata e lei maua le tui puipui ae faatumu i le 100% ia nofoa mo tagata ua atoatoa o latou tui puipui.)

A faapea e manao le faalapopotoga e fai nofoaga faapitoa mo latou ua maua o latou tui puipui ma latou e leai, e tatau ona latou tausisi pea e tu mamao le isi mai le isi ma le fa'aaogaina o talifofoga i totonu o nei vaega, ina ia faaitiitia ai le sosolo o le KOVITI-19.

O a taiala mo le tu mama e tatau ona fa'aaogaina e pisinisi ma faalapopotoga?

E taua tele le fa'aaogaina o tuutuuga mai le [CDC ua faataatia mai o latou taiala mo faamamaina ma tapeina o siama](#) (o lenei upega tafailagi e nao le gagana Igilisi e maua ai) ina ia faaitiitia le sosolo o le KOVITI-19 ma isi faamai pepesi. O le faamamaina i taimi uma o laulau ma isi vaega e pai soo ai tagata, faamalosi le fufulu o lima i taimi uma mo afaigaluega, tuuina atu le faamama lima mo tagata faatau, ma le fa'aaogaina pea o tioata e poloka ai le pepesi mai mafatua ma tale e aoga mo le faaitiitia o le pepesi o faamai mai tagata faatau ma le afaigaluega. Tagai i le Uasigitone Department of Labor & Industries [Faatonuga ma taiala mo le Puipuiga mai le KOVITI-19 i Falefaigaluega](#) mo faatonuga mo le faaitiitia o le sosolo o le KOVITI-19 i falefaigaluega.

O iai sou fesili e lei fesiligia pe talia i lenei faamatalaga?

Mo tali i ni isi fesili, faamolemole asiasi ane upega tafailagi o le Setete o Uasigitone Department of Health [Fesili Masani e uiga i le toe tatalaina](#) ma le [Fesili Masani e uiga i talifofoga](#) (o nei upega tafailagi e nao le gagana Igilisi e maua ai).